



南巡盛典

天章  
卷五之卷七

284  
1199  
8







南巡盛典

天章

臣聞在天垂象璧合珠駢在地成形綺分繡  
錯天地之文煥其炳矣而敷人文以化成天  
下則必歸之欽明濬哲之聖人竊嘗參稽經  
籍見聖言之傳者莫隆於詩夫刪書斷自唐  
虞謨典所垂皆出自史臣紀述而喜起一歌  
重華所自作也粵若史傳所載則軒銘禹範  
雲篆穗書復與時薰糺縵之辭藻耀萬古焉



我

皇上聰明天亶學懋緝熙

萬幾之暇每以周情孔思發為詩文羣臣多士無

不覲

日星之采瞻川嶽之輝恭遇

崆峒之轍輯瑞南臨

萬乘親勤周咨旁燭誠哉日昃不遑矣乃

翠罕甫停漏未移晷已見

璇詞奎藻飛下慶霄

典誥鴻文亦因時宣布蓋

天縱聖神不思而得麟麟乎日月之經天洋洋乎

江河之行地有徇齊敦敏亦不能及者臣等

伏而讀之恭依

聖祖之韻善繼述也敬承

大安之歡廣孝治也

示微言以成清晏

申大訓以勗靖共寒燠雨暘山川民物悉包舉於

清明廣大之中莫可窺測而端倪矣泊夫神



臯勝蹟梵宇琳宮均蒙玉管銀鉤  
親灑宸翰被

榮施而邀優獎者且遍南北三千餘里也彼神農  
豐年之咏黃帝泰素之篇夏王响嘯之字以  
古方今惟斯爲盛臣等曩荷

聖慈俯俞奏請

頒發

御製詩文集欽遵刊布是訓是行藝林已慶忭無  
極而穹碑銀榜之摹勒永垂者臣民凡過其  
下靡不仰望瞻依踰時猶不能去則緬

聖恩之稠疊欽

聖業之日新能無願

九天翰藻載錫之光也哉敬錄

天章第二爲卷三十有二







農人紅女呼嵩者繞

大安之輿越水吳山菴畫者邀

王母之顧

精禋蕝事王路載登成律七言克諧八韻

崇壇祈穀屆初辛

是歲雖祭於次辛而立春在正月則尚為初辛云

盟薦柴

升秩有倫仰冀瑤編書歲稔親扶

鳳輦舉時巡南人望幸心云慰

西母承歡願以申四海一家何德我

三朝厚澤久孚民省方設教義經重覲后同衡虞典

陳駘岩和風清始蹕依韋暖律鬯青春歷看麥隴

勾萌達擬詠江鄉景色新法

祖悅

親厘休助六龍于邁豈辭頻

盧溝橋

石橋卧凍波來往行人渡乘時每斷流狂瀾歸何處去歲決畿南至今困沮洳固愧人力為詎容諉諸數疏濬付河臣古今重防護

良鄉行宮作



冬前迴蹕因巡豫春孟登程爲渡江兩月風光那  
爭異閒齋日影漸移窗

來往云何不惜勞勤民匪止爲遊遨人文江左遙  
相望却慮經臨句未豪

十六年來厯保赤近光引領自輿情縱饒解澤輸

蠶涌有慙去聲蒼生愛戴誠

浙東西及大江南分付韶光莫太酣指日六飛應  
駐蹕觀民餘暇試清探

良鄉行宮侍

皇太后宴兼陳火戲

梅信催人未可遲

江南梅花春半  
卽盛故早起程

祈辛禮罷翠華移那無酬節同民樂且喜稱  
觴是處宜風定紫瀾迎五夜春輝銀蕊燦千枝一家

中外嘉賓集

蒙古王公送駕者  
命隨一頓觀燈

依約觀燈上苑時

春寒

春郊雪後釀春寒料峭東風入馬鞍應是東皇傳  
鄧尉勾留春色待人看

弘恩寺雜咏



南遊錄 卷五 三  
遙瞻古樹蒼小憩禪房窈來往頗慣經新年景倍  
好

寺縱臨通衢有僧住便靜此趣僧未諳翻詡莊嚴  
整

閣黎重清規云是蓮池派指日經武林雲棲應好  
在  
丈室紙窗明依然昨景情却憐枝上鳥解報曉春  
生

積素釀餘寒盆梅香正放叶琴薦墨壺清合是此

中賞

每得新題句不同前詠時問伊老庭樹是爾啟予  
思

聞山東得雪

春前甘雪遍青齊大吏封章火速題昔歲災傷真  
亟矣三年休息未遑兮閭閻到處親循覽富庶何  
加此佇俟若爲乘時攬烟景濟東芳草尚含悽

上元前夕行營觀烟火卽事

火戲行營却異常燈前隨分賞韶芳烟村中有豐



南遊錄 卷五  
年景碧落邊仍古月光漫集梨園陳法曲試憑棊  
几詠新章田蠶照處農祥應也勝樓頭甲煎香

上元行幄賜宴觀燈卽事聯句

御製青郊行慶共民娛上苑觀燈景畧殊玉甃團圞

臨廣幕

銀花璀璨散平蕪遙山橫雪光添炯上日占

年瑞表符大地陽和迴北極

臣梁詩正

中宵景慶

映南弧琉璃河畔冰猶合涿鹿城邊草未蘇

載道人歡瞻罕畢

臣汪由敦

御製初筵賓序列氍毹御營酬節鰲山設春酒稱觴

鳳輦扶繼照曦光成不夜

先春林采競交柎玻瓈挂定欹還整緋佩飄

來綴復紆響入長天迴雁陣

臣錢陳羣

烟留遺穗

滴蓮壺千枝艷欲欺張令幾曲詞應失石湖

寶界光明皆佛國

臣梁詩正

御製蕊宮離蔚自仙都爲添佳話傳燕趙便閱亨衢

達越吳真是攜來三學士

驚看捧出



百驪珠七襄錦爛天孫織萬道金流列缺驅飛卷

紫瀾騰墨海

臣汪由敦

點成銀汞出丹爐盤旋羣

鶴自來去曼衍鯨魚乍有無狀噴璣璇題鈞

笑

臣錢陳羣

御製助歡罷虎召都盧傑池火樹還翔燕霍靡冰荷

欲隱鳧尚憶貧家一盞對

合教天上六么輸雲和鳳瑄吹陽律法部鸞

音叶野飲冰宇雷轟喧櫪馬

臣梁詩正

幔城風靜

立竿烏行聯萬歲宜春字巧繪羣真獻壽圖

林眩目紛披憑鬪捷

臣汪由敦

御製摩肩攢聳任招呼旌門不禁來蒼叟蠶事相迎

祀紫姑詎必廣陵誇獨盛

須知于薦賞寧孤空中論斗傾紅豆瓶裏駢

枝綻綠芙色瑩寒芒連五緯

臣錢陳羣

粧翻新樣

雜三銖金繩斜曳催弦矢綵駕高懸轉轆轤

香案氤氳垂朶朶

臣梁詩正

御製絳衣舞蹈唱喁喁風雲龍變真神也頃刻花開

有是乎到處長安太平節



勝邀蓬島列仙儒閭閻喜氣覃三輔巷陌歡  
聲接九衢道協賡颺時正泰臣汪敦爻占宴衍

義為需要祈南畝書豐穀不數東都賜大醕

屑飴琅霜凝炬粒臣錢陳羣

御製香浮瓊液得醍醐華裊坐侍衣冠會嘉夜歌傳

昭曠途漫擬鴻文揚豫大相期魚直進訐謨

上元即景燈詞八首

佳節從來說上元上元是處景滋繁銀花火樹連  
村列便覺風和景物暄

初月團圞夜最嘉郊原濃疊赤城霞省方即景同  
民樂中外熙和共一家  
旌門譙報且徘徊玉漏銅壺底慮催此夜烟花異  
田火扶攜老幼許觀來

點綴休稱野意陳茆檐忱悃總能申燈前咨爾旬  
宣列蒙正嘉言莫忘貧  
鸞翔鶴舞勢毳毼星月光中雪色皚歸帳成詩諸  
內翰何如張說看燈回  
火蛾玉蕊偷春艷青女紫姑儘俗傳說與親民二



南遊錄卷五  
千石由來事事重農田

少海風微定綺瀾恒春花發萬枝攢明朝趙北陳  
冰戲更步新橋達廣寒

百道垂虹夜未央雙葩結燄慶年芳侍臣底識予  
心喜只有憂勤與日長

趙北口行宮作

初歲臨行館開韶景已妍會心卽在此得句偶思  
前瓷鉢唐花苗紗檠銀蒜懸淀池水未泮不必命  
虞船

簾捲和風細窗含嫩日明兩間供靜玩萬彙快新  
晴凍浦鳧仍聚春林鳥不驚文牀淨棊几書史最  
怡情

上元後夕觀燈火

絞縛烟花凍浦間冰天火戲勝塵寰春雷驚起魚  
龍蟄雲物圍成虎豹關真是水仙朝貝闕誰教海  
客駕鼇山踏燈詞儘饒佳麗此夜風光未許攀

題扁鵲墓

越人邂逅遇長桑十載精勤授禁方今多恥學於



南巡盛典 卷五  
師者韓氏稱醫意甚長

渤海名醫術有神功同岐伯世無倫庸醫疾妬加  
殘害活得人多轉殺身

桓侯有疾云無疾退走已成不治時所貴知微早  
從事可通治理詎惟醫

命直隸總督方觀承加賑去歲被水諸郡縣

詩以示志

方春氣始和萬物欣榮滋翠蹕經黃圖施惠期惟  
時途次所歷覽閭閻固恬熙嗟予未見者豈無嘆

向隅叶去歲况多水懸釜饑難支沮洳未全涸播

麥復失期致災莫諱咎救災要善為亦無別奇方  
加賑頻疇咨截漕及散金屯膏戒有司國以民為  
本舍是其愛誰民以食為天祈年夙夜孜

鄭州道中

虹偃長隄十一橋垂鞭那覺驛程遙兩行烟柳春  
猶淺萬頃冰湖雪未消  
開韶風景含明媚輕塵不惹玲瓏轡行春指日到  
江南先期寫出江南意



南遊盛典 卷五  
我愛燕南趙北間溪村是處碧波環若教圖入橫  
披畫更合移來幾疊山

道左荒顏見土城昔年鄭郡尚存名底須舊蹟尋  
殘碣一晌東風千古情

河間道中示直隸官

河間古瀛州文物頗可觀前巡適災餘室家纔苟  
完版築命代賑雉堞儼崇垣閭閻亦較盛菽井騰  
炊烟邇來幸屢熟藹臬粗免寒覽此心爲慰申命  
親民官彼獻乃列籓詩書教尚敦熙朝際富庶教  
之勿畏難束濕術宜戒粉飾習並蠲豈弟行以誠  
感民亦匪艱佇待比戶封吾將鼓薰絃

來小再和沈佺期望瀛州南樓韻  
舊跡傳崇譙如蜃樓逼霄但期佳名垂安問勝賞  
寥當時謫居人傲睨凌雲颺不見百步臺仍經幾  
曲橋首春蹕重過前歲景非遙幾多感衷曲誰能  
蠲塵囂望古懷彼才言志爲茲謠

微雪

微雪霏春宇輕寒峭愜車點林全發蕊著體旋融



南遊盛典 卷五  
花未苦成泥濘方欣潤麥芽曉炊村墅裏縷縷裊  
烟斜

江南意

毛嬙白台及西子不必謀面人知美吳越山川罨  
畫中傳聞爭羨亦如此吟詩好景說江南前此何  
曾一稅驂觀風問俗式舊典湖光嵐色資新探朝  
來小雪千林綴梅信依稀速郵置鄧尉孤山似此  
無迎人蹕路江南意

紅杏園

渤海經古邑芳園駐翠輦徘徊尋故蹟云昔日華  
館三雍曾著稱五經亦賴顯崇構早傾頽土階新  
拓展池臺取畧具琴書供靜遣物力毋亟勞容膝  
斯已善

燕九日觀燈

上元餘興覺猶濃燈事重陳景物融日紀邱仙沿  
俗例地傳毛氏想遺風繼離騰照千村朗應節紛  
懸萬樹紅真勝御園聽法曲謳歌樂處與民同  
春雲釀雪曉來濃六出難分半就融更助景光媚



佳節便陳燈火闕民風垂虹百道連天耀結燄千葩徹夜紅宴罷肩輿返行殿青郊盛事昨宵同

曉行

夜雪微飄吟疊銀憑輿曉景助清新漫辭旅况侵肌冷且喜田功覘土勻郊郭烟容低遠望閭閻氣象驗前巡獨憐萬騎隨清蹕應有衣單怯凍人

賜山東巡撫準泰

山左前巡憶游饑吾民疾苦日思之三年休息今何若莫飾虛觀進頌詞

南巡董子祠

漢世真儒數仲舒精言三策豈虛車可憐好士秋風客雜進長陵竈鬼書

不問蒼生問鬼神賈生宣室席前陳始終只有江都相善治春秋學行醇

帷下三年不入園資深左右乃逢原如何後世為儒者摘句尋章枝葉繁

賜魏廷珍

高年引養客向日弼諧卿鶴髮猶然健葵心不改



傾遂初孫著作樂志仲高平別後今三載刪裁可就成

路旁秋麥頗少切切有懷因示直隸官

去歲愁霖未涸泥延緣秋麥誤耕犁連阡那見青  
蔥滿入夏安期鬚穗低縱復截漕難遍及敢斬解  
澤慰羣俟青郊餘潤春畚利好勸乘時舉趾齊

細雨

時作雪霏時細雨濃陰三日物含滋旁人曾至江  
南者道是依稀景若斯

衍聖公孔昭煥來迎詩以賜之

挈族郊迎蹕路邊成人見汝忽三年

戊辰至闕里時昭煥尚

幼文宣世澤垂千古克繼家聲慎勗旃

麥未萌

昨過畿南未見麥苗被隴以為秋潦未盡涸  
而播種者稀切切不能去諸懷進總督方觀  
承而問之始知去秋乘潤種麥者較諸往歲  
乃倍蓰至冬例驅馬牛踐食之當春萌芽益  
壯其尚未青蔥者則以今歲遇閏尚非發生



南巡盛典 卷五 天章 三十九  
時也問之耕氓亦然既慰於懷兼成是什  
記我戊辰經畿南秋牟被壠迎人緣今來曾未見  
蔥芋預恐餅餌或不足進彼大吏共疇咨謂因遇  
閏春令遲正月柳稊今未稊何獨麥萌虞後時一  
言中窾吾解頤詢之老農同一辭聞言欣然笑相  
慰先事過憂毋乃遽我久課農意盡知於今仍有  
未知處

賜河東總河顧琮

堤遙工簡息洪濤無事常經智不勞泉閘湖垵善  
瀦洩永期轉漕濟千艘

過景州

城上遙看塔影孤輕塵不動雪微鋪三年兩度仍  
經此今日昔時頻感吾禿樹花如發溫卉青郊寒  
未茁春蕪益藏畧具雞豚息擊壤隨民得自娛

開福寺

紺宇現青蓮瞻遊取路便法雲垂四界花雨散諸  
天韶秀春光閱崇隆塔影懸禪房聊靜憩駒隙指  
三年







家聚問歲知逢五熟連

戊辰春東巡時山左諸郡縣游饑之後戶鮮蓋藏流

離之狀憫惻予懷於是竭力賑恤更賴天恩

雨暘時若其秋遂有收已巳庚午春秋皆稔以是

閭閻景象大覺改觀為之調幕多慙休頌我書禾

額慶益凜持盈之懼云

有慶益祈

天十分心始三分慰次第評量驛路前

老黃河賦

導河積石至龍門華陰底柱逮孟津播為九河入

于海神禹舊跡堪指論後世因循漸南徙誰能障

使歸其源又聞刷黃利深導義取其合毋取分一

河猶時虞淤壅析而為九流難奔居今志古不盡

同卓哉史遷垂名言

復雪

風雪夜交加嚴寒切曉車紛霏迷玉海散漫捲銀

沙縱值年餘閏虞傷物茁芽謾云花信遲去聲農務

重看花

平原行

驅車度平原因作平原行平原公子喜賓客一時

豪士列坐盈美人笑蹙者請頭太不情造門自謝



客復至至今難論僞與誠所幸毛遂一脫穎頃刻  
辨論從約成當時齊楚魏公子皆云好士畧可評  
脫秦得濟於狗盜亂楚不斷於朱英如姬竊符奪  
晉鄙危計密定亥與嬴客不過如此主亦奚足稱  
嗚呼戰國尚譎詐其真賢者惟應隱迹衡門耕

閱本

印篆新年卜日開封章郵置速傳來宵衣旰食其  
常耳勤政親賢又勉哉毋作聰明循舊典不私耳  
目示親裁深慙端拱無爲治問俗巡方歲幾迴

雪霽

雪霽平原暮色清溫暎纔落野寒生恍疑凍樹花  
爭發且喜春田麥未萌布帳燈竿奪星燦旌門鼓  
角入宵鳴依稀前歲東巡况觸緒難忘愴惻情

聞河南得雪六韻

去歲秋巡豫恒陽佈種稀常教千里繫安得寸心  
違甘澤新年沛佳音驛騎飛先春節未過入夏麥  
應肥霖霖因時降豐亨爲衆祈齊封更親見積玉  
遍塍圻



齊河道中作

歷歷齊郊已三日物力民情亦粗悉雞鳴犬吠達  
四境飢食寒衣足千室民風迥不與昔同信知敦  
俗由年豐年豐余福災余罪此責豈諉諸羣工羣  
工邇來喻我意豐不偽陳災不諱但須終始行以  
誠天必降康民受賜前歲流離卽此民今來皆作  
飽煖人道路感謝爾莫頻尚冀風俗歸溫淳

恭依

皇祖南巡過濟南韻

春月南巡過濟城敬繩

家法念民生承

歡更冀增遐算後樂遑誇閱太平噉雁昔憐凋羽翼

夢魚今喜兆豐盈不堪歷下馳遙望倩取村煙一

片橫

過濟南雜詩

曲阜春巡憶戊辰同扶鳳輦侍

慈親行宮抱疾催旋轡猶恐懷歸勞衆人

大明湖已是銀河鵲駕橋成不再過

戊辰詠鵲華橋有若把鵲



橋北靈鵲之句 遂成詩識云 付爾東風兩行淚為添北渚幾分

波 大明湖在行宮之北

徧繙彤史若齊

賢五日登舟詠斷絃 戊辰自濟南迴鑾五日登舟即遭先皇后大故朕作輓

詩有朱琴已斷絃之句 南幸奉

親重設闢那能遽忘濟城邊

清明節故斷魂天華注何堪重憶前 戊辰春臨是地正值清明

節 却是山靈猶解事連朝為我隱雲煙

見山

平原行久見山欣况復初韶霽竟雲漫說魯齊青  
未了請看天地白中分送來寒氣迎朝轡付與吟  
情寄夕曛我向登峯志舒嘯不同七十二朝君

填倉日作

俗節重填倉此日宜晴和朝來風日佳所喜占得  
禾青齊經數程氣象異昔過轉旋賴

天佑賑救知吏宜 叶 遂使三年間元氣復萬家 叶 煙

村昔年芳燈事今夕羅便與占民風姑弛金吾訶  
憾憾憶昔人鵲華况嗟峨 憶慧賢皇貴妃以乙丑是日薨逝而孝賢皇



后又以戊辰春月東巡至濟南抱病仙逝尋思事  
三年之間兩失故侶觸緒傷懷曷能已已  
固然舊緒徒延俄達者戒一往母為感慨多

長清道中作

雪後餘寒戀翠微春初薄暖愛晴暉山村曲折規  
民俗不必匆匆策六駢  
一水縈迴出崖口數橋迤邐度川頭幸他舉火千  
家足慰我思人幾日愁

童山處處是牛山孟氏名言想像間只有崗峯蒼

翠好清晞酬我片時閒

無風和霽曉煙輕閒冶嵐光驀地迎今歲春寒遲  
春事略傳消息到長清

過泰山恭依

皇祖詩韻

纔看積雪消峯脚又覺輕雲翳日頭豈是山靈邀  
客住故教嵐氣作煙浮賡吟尚憶

堯登頂結攬遐思禹畫州阿那天門門左側雲巢三

日我曾留

雲巢岱頂  
行宮名

仄路盤旋出塞口岱宗俯視衆峯頭試思前度遊



如在了識百年夢亦浮稍喜省方近吳會豈辭問  
路自齊州若云此地山川景只合驅車不合留

望岱廟

自有蒼精協震亨崇祠象設始誰成靈趨漢縣羣  
黎赤事紀茅家三弟兄香和岱雲千仞合鐘傳汶  
水十分清憑輿竭爾馳遙睽鱗繡郊原漸可耕

寄題漢柏

瑤階漢柏盤童童柏下吟情想像中不及同時嵩  
嶽樹受名曾共潁川馮

玻璃牕

車牕懸玻璃障塵勝紗帷內外虛洞明視遠無纖  
遺可避輕風寒還延暖日曦惟是聽受艱揚言聲  
似卑耳屬或不聞目成乃可知明目信有濟達聰  
非所宜致用當節取格物理可推

微雪

膚寸英英傍晚濃天花幾點下巛峯山靈都解標  
神異况是巍巍數岱宗  
勾萌未發驗稊楊春早田功雪未妨獨慮扈行羽



南巡盛典 卷六 天章  
林衆豈無寒者薄征裳

天衣篔玉白皚皚合是合雲亭裏來  
合雲亭在泰山之麓著

樹續紛開且落先傳消息隔江梅

度汶水

汶水虹橋凍合津紐芽宿麥遲抽新心期鄧尉村  
前景背指天孫雲外皴往事總堪愁渺渺無生底  
必滯塵塵未忘只有勤民念餘概空花付夙因

喜晴

春月希逢是喜晴  
春月北方每慮少雪喜晴最利  
雪足始喜晴故云

在新耕原田遍潤應回霽葶甲辭寒自向榮薄凌

去聲一灣依日脆徂雲幾縷逐風輕初韶景色行行

近似爲江南馬首迎

燈牕

遠甸散暮靄西峯隱落日笳吹動幔城蓮檠朗  
室羣籟寂不聞景清神亦謐命筆欣佩文讀書期  
務實遊豫貴有度宵旰所無逸景光足自珍棲心  
在專壹

師曠村



魯邑遙過師曠村於今誰識六篇存平治仁政伊  
予責卽景因思孟子言

策馬

策馬平原路不賒勤民生計問農家詰晨遵路消  
輕霧薄暖迎人絢早霞微覺東風催弱柳定知南  
國待春花行營駐蹕饒清豫淨几詩成日未斜

新甫山

傳聞新甫易宮山漢武求仙遇此間何事長生無  
大藥茂陵秋樹鎖孱顏

蒙陰積雪恭依

皇祖詩韻

東來不是為登封繩

武南巡重劭農今日蒙陰仍積雪當年

聖藻並高峯

蒙山

岱宗東來數百里或宮或霍伏還起蜿蜒一氣結  
蒙山巖薛堂皇重見此惜哉濯濯乏喬柯牛山之  
木亦嘗美翠微風來生峭寒放乎琅琊意近是一



遊一豫侯度昭彷彿其招在角徵

望蒙山雪色再成

崇巒積雪昔年同

聖祖巡踪景仰中奄有海邦為魯鎮果然山下出泉

蒙逢年民鮮饑寒色敦俗戶多淳朴風百歲熙和

九州宴自惟何以繼

鴻功

正月晦日

春月九十日於今孟月過知他百花未奈此一分

何雪積寒猶峭日烘景旋和江南行已近詩思發

人多

過沂州

此州前者災尤重地處南游衆水歸縱未目經心

倍切敢忘民務國斯依所欣逢歲蘇千里豈冀呼

恩擁六飛銀浦紅橋春日嫩高風遐想浴乎沂

二月朔日

昨餞孟春今迓仲堂堂來者逐詩排闥珊未至何

須惜艷裔行臨豈不佳幾日東風消積雪千畦冬



麥發新荳瓊廬牕紙烘晴旭芸牘生香暫寄懷

沂州覽古

顏址荆綦說武城絃歌昔日此聞聲牛刀小試猶  
崇道况我寰區待化成

墾山飲水雙親樂簞食顏家較若何至行由來重  
文字篇成十五尚云多  
二疏歸里散金錢此日臺存憶昔賢可惜勞生蘇  
季子何曾終保洛陽田

臨沂聞是昔瑯琊故里仍傳王氏家澤筆池湮誰

汲古蘭亭此去漱芳華

卽事

入山覺冷出山暄歷歷青郊散曉暎所至連村問  
生計大都百里異方言春寒且遲花兮柳歲熟兼  
孳雞與豚排日迎鑿羣接踵累年休養此元元

題禹王臺

沂沭不相見神規禹所餘自從歸以壑誰復歎爲  
魚績豈資堙障功惟利淪疏巍然石臺下卽此溯  
權輿



南遊盛典 卷六  
憶梅亭

居洛思梅再抵揚法曹花下日徬徨春風古縣亭  
猶在兩字標名萬古香

雁

春寒因致雁來遲行近江南始遇之於異類中真  
有信勝同塵者但隨時非蒐鱮繳何須畏于澤棲  
眠任所宜恰似去年清苑路目窮人字引遐思

郊城道中

龜蒙迴望數峯尖大野風光取次拈人意貪程催  
馬策晴曦送暖入車幃江聲迎客行行近詩趣和  
春旋旋添老幼初逢清蹕至羽林訶禁莫教嚴

示山東巡撫準泰

所過蘭山郊城上年畧被偏災之區見扶攜  
而來者雖無饑寒之色而室廬蓋藏究不逮  
他邑亟命加賑並未經過而亦係偏災之五  
州縣令分別加賑焉

蘭郊去秋潦蠲賑早施惠今來閭閻稍幸起凋  
敝尚未臻盈寧終鮮蓋藏計俗云民所艱青黃不



接際念此心忤忤豈靳沛恩濟加賑有常經隨宜  
善措置其餘五州縣歉收與此類雖非目所擊民  
瘼豈有異貧戶有等差布澤應次第毋使吏胥侵  
向隅或弗逮庶冀蒼黎蘇安心待逢歲

而木香雖疎猶寒之雪而寒猶嚴  
武勝山取地土平器備災之國良  
示山東游泚擊泰  
春試武翁朱心既致前戰至休林  
調策部難致即入車訓五管吸容  
行武荷賦味

南巡盛典卷七

天章 辛未 江南

詩

入江南境時伏今四十平盛典未許入  
裊裊東風拂面春乘春鸞輅舉時巡江南至矣猶  
江北我地同兮總我民祇厘觀方懷保切豈難解  
澤惠鮮頻更欣餘事尋文翰秀麗山河發藻新

暖

纔入江南半日程溫暾暖氣面前迎絲鞭不裊東



南巡盛典 卷一  
風軟簷帽輕掀曉日明千里征人忘栗烈一時景物報芳榮省方本欲知民事疾苦應須諮老更

恭依

皇祖示江南大小諸吏詩韻

聖人致熙皞鳳麟在郊輟而猶  
所無逸巡方民隱剖於今四十年盛典未行久藐予  
蒙業安負展爲元首繩武仰

仁皇承歡奉

慈母逋賦二百萬蠲除惠農畝乘春發行旌皮軒道

游後減從勅羽林修職戒典守閭閻期不驚比戶  
相睦友餘暇寄山水智樂仁者壽茲來匪豫遊

前徽勉無負

宿遷道中作

觀民展義舉時巡澤國非遙路少塵畢雨箕風從  
好惡小廉大法勗臣隣就瞻一任扶攜至出入何  
須警蹕頻底事初逢如舊識本吾宵旰繫懷人

賜兩江總督黃廷桂

迎鑾衛警蹕建節久旬宣體我勤民德嘉卿率屬



賢何須張錦帳惟喜閱鱗田細驗剛柔俗周諮豐  
歉年咸中方有慶虛已自無偏此地人文盛還淳  
尚勉旃

峒嵒山

綠野平陵翠黛紋拂廬小對意含欣鍾吾漫道纒  
拳石早具江山秀幾分

停蹕遙看峯對門夷峻蘭若靜風旛閣黎道左紛  
迎駕想厭清閒未厭喧舉目崇椒縹緲間愛他畫意已吳山東風策馬尋

前路鞭影仍留片晌閒

麥

盼從冀克寒遲茁看到淮徐綠滿田第一江山春  
好處十分梅柳色徒傳漸漸他日應藏雉縷縷於  
今欲起煙此是千家餅餌計羽林馳騎戒紛填

駱馬湖

濟運輸天庾防霖安地行相機資蓄洩惟謹度虧  
盈洲渚江鄉趣鳧鷗春水情六塘東達海切切念  
民生



度永濟橋

水退長橋未臥波垂鞭風裊跨虹過每聞行潦愁  
溢溢蒿目疏治竟若何

示總督黃廷桂

所過宿遷清河桃源三縣上年被水之區雖  
已加賑茲經覽閭閻益切軫念亟命再加恩  
卹並成是詩

三縣雖加賑經臨倍切情卹民寧過厚咨爾善推  
行貸種休償責興勸莫誤耕所憐災歉後歡忭馬

前迎

陰

聞道江南春雨多東風無力奈雲何旅人縱未愁  
漸石已覺濃陰兩日過

麥始勾萌綠色滋鱗塍含潤恰相宜若於三日前  
逢此正望齊雲冀澤時

宜晴宜雨不輕談風氣田功未悉諳漫道溟濛礙  
韶景不因花柳到江南

夜雨



夜雨入深更 瓊廬漸有聲 却因詢土俗 知亦利春  
耕地脈 應餘潤 花枝欲向榮 所嫌泥濘甚 輜重慮  
艱行

見新耕者

春郊叱犢一聲聲 雨笠風蓑最厯情 憶似燕南還  
早作去歲保陽見新耕者於二月下旬故云喜從淮北見新耕 煙花  
千里都應讓 銍父三秋冀有成 望杏瞻蒲迎蹕路  
水田疆畧互縱橫

中河

駐輦近中河 朱欄俯綠波 羣歌漕運利 永賴

聖謨多

運口向在仲莊我家莊號為中河漕艘及商船利賴無窮云 皇祖指示命移於楊

繼述夫何有 遵循敢更過 省方得知要 遑復論其

他

晴

入境逢晴和 兩日繼陰雨 渡河快曉霽 是日渡黃河 波

平澹容與黃流 片刻過歡聲 騰萬戶人意 卽

天心益凜無逸所

楊莊閘恭依



皇祖詩韻

景仰

先猷志有餘

御碑亭畔佇徐徐守而弗失由來事  
前列母忘語豈疎

初晴暖日颺遊絲幾里金隄翠葆移露冕茅檐頻  
借問民艱要欲得周知

渡黃河

去歲渡孟津兩岸隔五里今來渡淮安河惟里許

耳岸寬流則平河窄流斯駛南河防塞多時聞疊  
浪起而我時南巡正逢晴日美盪漿越溜過安穩  
非昨比

天心明錫佑

河伯默相祉平陵川氣黃紛擁雲容紫翳旬象實  
雄詠蕩波偏瀾永念平成功細度修防理

惠濟祠

玉構金隄神所憑瓣香展謁肅虔增黃清淮又常  
資佑榘密茭長敢恃能夢雨飄初逢曉霽靈風恬



不致波興漕艘來往稱麻應爭奉馨椒潔享蒸

閱河示總督高斌

澤國民生庶金隄

祖制垂來巡期善守底績貴無為持正裁浮議開誠

集衆思問予何訓示志在五言詩

恭依

皇祖覽淮黃詩韻

御碑亭畔滙清黃仰溯

塗山疏瀹方端拱九重遑自逸疇咨萬姓切如傷惟

斯繼述誠應勗亦曰流連慎戒荒高堰重蒙

皇考建千秋淮郡倚金湯

木龍

木龍制如鹿角枝梧交午其中編竹為幃置

急流中水徑過而沙漸淤宋臣陳堯佐創為

是法前代治河者未得其用近河員李昞陳

之總河高斌斌用之遂著成效朕臨視河工

目擊其制詩以紀之

刊木遺來天用奇淤沙禦水兩兼宜密芟奚事舉



橫浦曲岸居然漲遠涯鱗次常令波浪靜蟠拏那  
許螟蛟馳陳堯佐創高斌繼續奏安恬制永垂

閱高堰工有作

皇考重河防

神謨定廟堂帑金頒太府高堰衛維揚濟運南輸北  
安流清滙黃申咨惟善守千載固苞桑

洪澤湖恭依

皇祖詩韻

翠華六度事非虛昏墊常憂淮與徐疏導遠同神禹

蹟至今民免歎為魚

閱河恭依

皇祖詩韻

清浦今來駐御營

神堯方畧仰天行河臣咨爾無多訓惟是丁寧勗守

成

賜沈德潛

水碧山明吳下春三年契闊喜相親玉皇案吏今  
煙客天子門生更故人別後詩裁經細檢當前民



瘼聽頻陳老來底越精神健劫外胎禽雪裏筠

清江浦

春江鳳舸駐沙濱南國風情領畧新白鶴紫霄皆  
福地枚臯趙嘏兩詞人韶光喜不藏隄樹綠意看  
將漾汜蘋邇日寫懷多韻語得無民事閒去聲咨詢

月

黃龍泊沙嶼素魄漾金波隄景清還創春宵遇豈  
多乘流光激灩蘸影意延俄檣燭懸星點漁舟唱  
晚歌掬來應不濕印去本無訛卽漸臨吳越宜人

更若何

草色

渡淮逢草色景候北南分烘日生煙浪含颺蕩水  
紋柳纒稊遜綠梅未放先芬何必王孫意東風著  
處醺

題釣魚臺

旁有漂母祠

泔泔統人識俊雄偶然一飯濟塗窮叢祠不斷故  
鄉火凍浦猶存沉釣風奚異三千六百軸用李白歌太公  
爭輸他濟北穀城翁淮陰生死由巾幗是始須知



以是終

示江蘇學政莊有恭

從來庠序儲才地觀國之光利用賓所貴清真兼  
雅正慕容牛鬼及蛇神春華秋實崇經術廷獻家  
修重大倫自是此邦文勝質丁寧致勗務還淳

恭依

皇祖閱河隄詩韻

巡法重華典歡承

長樂宮河防惟

祖述民瘼更研窮石闡萬年固清江千里通

神堯復

神禹奕葉戴鴻功

過淮安城

初來南國為觀民水郡臨隄策騎巡富矣閭閻藏  
不匱彬哉士庶許還淳就瞻特弛千軍禁感頌還  
憐一念真共受春溫抒愛戴豈辭膏澤及時頻

益梅

船窗拈詠對益梅嫩日纔逢幾朶開不是火攻尋



下計北方盆梅皆用火薰始開此則其自放者移於盆耳多緣花信報先來  
一株已足春風意萬樹行看香雪堆棹過沙汀迴  
望處也分疎影得清陪

平橋

初駐遊龍第一程平橋騁望綠波平迎鑿黎庶肩  
摩溢舟水相關喻衆情

風車

水車較抱甕省力足機心後人仍謂勞風車機更  
深一例龍骨轉犖确升旋沉曾不藉人工吹萬力

所任青雀泛中流夾岸排森森檣烏五兩輕輪旋  
不自禁翻聯偏逞勢伊軋常騰音分疇吸白浪灌  
畝抽綠鍼阿香能豈擅巽二功堪尋我欲戒其巧  
實可助爲霖我欲美其德恐益滋浸淫五言識所  
見吁嘻懷漢陰

舟行

甃社菱絲春綠涵可人新意是淮南牙檣錦纜千  
秋鑿蠓舍蝸寮一路探關切民依銘實念鋪張治  
道戒虛談河防畧具無多示所慮更張率未諳



風颿

颿藉風以駛微則舟行遲風送颿以征盛則或過之往者得順行來者苦逆施兩可難爲適一中貴其時天地猶有憾巽二夫何辭

高郵湖

淮南古澤國高郵更巨浸諸湖率滙茲萬頃波容任灑火含陰精孕珠符祥讖隄岸高於屋民居疑地窳嗟我水鄉民生計惟罟罾菱芡佐饗殮舴艋待傭賃其樂實未見其艱亦已甚

船牕夜雨之作

聞道江南春雨多船牕點滴夜如何榜人預喜明朝路下水兼逢漲運河未識愁心好與樂笑并吟零零浙浙滴波聲妙寫溟濛杳靄情今歲春寒便開霽曉看花未重江城高飛迴雁下沙汀遠帶瀟湘音渺冥最是推篷望漁火分明煙嶼點疎星北地常稀好雨滋設教敷被信稱時麥鉞芄綠二千里畿甸關心付寤思



晴

見未見今聞未聞北南風氣果殊分春逢雨易難  
逢霽風送船行更送雲不獨耕犁免沮洳頓教征  
棹豁氛氲明朝便近維揚路隱隱遙眉列翠紋

曉行

風恬喜晴明貪行一程路解纜見疎星吻昕忽將  
曙漁舟篝火明晏眠猶未寤揚帆破曉寒笑我何  
急務半嘗行旅况半愛探梅趣

舟過高郵

黃帽發謳歌樓船穩運河厘心籌澤國極目賞煙  
波春色柳梅綻江城士庶多

聖蹤隨處仰沙岸倚牂柯

邵伯鎮

太傅隄存綠水潯惠方邵伯頌棠陰蘭舟緩過思  
遺躅絕勝東山絲竹音

舟行卽景

天色湖光快曉晴水郵十里片時行新萸煙染看  
看重宿霧晨消淦淦輕江北淮南經次第勾吳於



越漸逢迎後來士女如相識我以為田愛此情

維揚覽古

清晨解纜發秦郵落照維揚駐御舟岡有槍旗宛  
是蜀山纔培塿亦稱浮建牙鎮靜猶傳謝通守文  
章更紀歐寂寞隋隄煙柳在秋宵誰見亂螢流

香阜寺

維舟對晚春登陸臨初地水鄉經數程見山已快  
意土阜縱無奇名與清涼配是處俗名小五臺文殊無小  
大而人紛位置丈室暫徬徨爐香綴煙穗

維揚雨泛

風吹濕玉一絲絲廿里邗溝畫舸移望裏平山煙  
外隱到來初地岸傍宜已知利穡歡農父不用清

塵謝雨師

南方地濕率無塵土故云

敬讀穹碑欽

聖蹟承顏一例奉

慈帷

高旻寺有為奉寧壽宮

皇祖御製碑紀塔灣行宮

皇太后南巡之故云

高旻寺

蘭若青蓮宇浮圖碧落天名灣真不愧是處俗名塔灣埋  
雁亦堪傳未縱晴明望誰忘言象詮金山不速客



暫爾隱江煙

高旻寺塔晴明可見金山故戲及之

塔灣行宮恭依

皇祖詩韻

南來逐處仰

重華此日重教韻和麻但得一心常守敬從知四海

永為家省方咨度惟耕織悅已奇袞戒鳥花數字

行宮無藻績

昭垂作法恐其奢

夜雪晨晴

雨寒催夜雪風息報晨晴解事東皇惠生歡萬物

情與梅添朶纈積石潤雲英紆棹平山路同民愜

此行

駐塔灣行宮之次日由維揚郡城至平山堂途雖稍紆喜值新晴一慰士庶瞻就之願故云

過維揚郡城

淮海維揚下下田茲看撲地聚人煙古今奚必無

殊異豐嗇從來有轉旋藏富於民欣按轡返華以

樸憶陳編百年休養八埏靖致此其難益慎旃

花朝疊舊作韻



南遊盛興 卷七  
從來我意喜花朝  
花朝况值廣陵度  
春寒應爲勒  
梅期我到梅期曾  
未悞山茶紅豔水  
仙白次第東  
風不暫駐迎人  
冶裔湊新晴  
撲鼻氤氳噴  
細霧旖旎  
勝底須人力  
巧芳菲早領  
天工賦淮東  
乍參煙月  
春冀北徒傳  
桃李樹喬柯  
落落獨無言  
詎與江梅  
較勝負

天寧寺小憩

昨朝望裏煙雲渺  
今日坐覺春光舒  
阿大中郎留  
別業優婁比邱  
得廣居鳥是南  
音真愜聽花欺  
北地無虛譽  
平山更在綠雲  
外俯暢樓牕  
恰受虛

虹橋

綠波春水飲長虹  
錦纜徐牽碧鏡中  
真在橫披圖  
裏過平山  
迎面送香風

平山堂

梅花纔放爲春寒  
果見淮東第一觀  
馥馥清風來  
月牖枝枝畫意入  
雲欄蜀岡可是希  
吳苑永叔何  
曾遜謝安更喜翠  
峯餘積雪平章香  
色助清歡

平山堂雜詠



鏡川經幾曲艤棹陟山蹊蘭若真殊絕曾邀太白題

巖松無偃蓋一一欲干霄禹貢還堪驗維揚厥木喬

江南山盡下淮北野無邊勝地誰名此歐陽兩字傳

玉梅香已發天竺紅且禱冀北盆中珍尋常煙野見

齊諧以蜀傳茗葉未抽全且就攜來種試烹第五

泉

咏平山堂梅花

平山萬樹發新花勝舉清遊兩可誇

平山向無梅茲因南巡鹽

商捐資種萬樹既資清賞兼利貧民故不禁也

試問歐公應可否相形鄧

尉並橫斜憑參疎影生香趣未許歌鶯語燕譁不種牡丹種梅朶殢財人亦厭繁華

江北雜詠八首

太公兵法世皆知何必三朝始授之東坡卓識會標論能忍故為王者師



徐君心欲已心許冢樹高懸百鍊冰泉下重生終不愧全斯誼者祇延陵

誰云滄海變桑田社祀何傳傳以賢手署當時精藻鑑韓稜應得楚龍淵

桃溝岸畔伍員里報楚匡吳兩鬢星不及包胥各行志一誠七日泣秦庭

一飯王孫早識賢叢祠猶在故城邊可憐須買綈袍贈不在應侯未遇前

漸臺守約義捐身千載貞姜誰與論今日露筋祠畔過挽頽喜復有斯人

廣陵故事盛元宵毛順還慚綵翠飄節過落燈兼厭鬧無須法善駕虹橋

二十四橋明月夜清詞麗句數司勳玉娥詔我無雙景不遣長空點片雲

渡江駐蹕金山

南巡行慶奉

慈寧畫舸中流瞬息經浪靜風恬賴江若琳宮福地藉山靈西瞻瓜渡長煙白東挹焦山遠樹青拱讀



穹碑欽

聖孝法貽百世慎聰聽

初登金山得句

萬壘銀堆一點青到來曠若換塵形奔騰揚子原  
標勝突兀金山更表靈劫外滄桑憑水閱空中樓  
閣借雲停江天無盡心如爾頓使吟情入杳冥  
亭臺俯瞰真無地星斗平臨別有天萬古豪吟誰  
造極一時勝覽若登仙方壺圓嶠逢今日伊闕轅  
轅忘去年而我先憂饒後樂何能福地久留連

遊金山寺用蘇軾韻兼效其體

平生不戒遊覽興西浮於洛東觀海輕舟風利過  
維揚此間初識有江在中流滯澱如補陀八功德  
水澄無波精藍信宿可留憩層樓阿閣何須多青  
雀黃龍盡收楫笳吹笙歌送西日帆檣遠近掛紅  
燈照入江天星點赤髯翁醉醒風雅魄奇句孤吟  
深夜黑蘇詩有二更月落天深黑及江心似  
有炬火明非鬼非人竟何物之句信耶  
非耶漫強明律中要使神鬼驚六百年來人莫識  
我偶拈賡答風物濫觴遠憶巴岷山土鼓雲門拳



石頑清賞憑高興未已烹茶更試中冷水

試中冷泉

大江西來源接天流長入海於此成奔川孕精育  
秀乃少蓄結爲波心突兀之金山五行相生本母  
義詎因頭陀裴氏方名傳互爲其根仍妙合山腰  
湧出乳竇中冷泉古稱第一今試品松枝拾取文  
火燃玉乳印心淡無滓雲漿入口飄乎仙飄乎仙  
風吹袂起左招浮邱右赤松子平山第五拜下風  
浮玉中心洵無比而我巡方喜遇此更慚惟辟作  
福惟辟玉食箕疇言不必高談到斯祇惟飲其水

金山寺恭依

皇祖詩韻

瓜步登舟風日和金山景概實堪多此行詎止尋  
清賞繩

武思量應若何

題文徵明金山圖

不到江天寺安知空闊奇攜將親證取當境固如  
斯



登金山塔頂

拾級憑登雁塔尖  
北南形勝望中兼  
高盤鸛鶴天風勁  
下鎮蛟龍江窟恬  
造極真教諸慮靜  
到斯何必百憂添  
許多勝概吟無暇  
歸棹重臨擬細拈

江月

水月亦常見江月見  
乃初我來望後夜  
娥御來徐徐坐待破  
初更乍覺金波浮  
叶焦山及象山對峙  
海門虛團團爛銀鏡  
高懸只須臾擊鼓罷  
馮夷吹浪戢天吳  
鱗昆及甲族攝仰光明珠  
擬欲問纖阿

三山究何如水仙乘赤鯉  
導我親證諸長揖  
謝未能勞逸終殊途

自金山放船至焦山用蘇軾韻

東坡材富大厦耽錢塘  
通守遵江南豪詞強韻寄  
磊落醉醕江月對影三  
我乘陽氣行時令吳趨越  
若巡農蠶黔黎愛戴任  
瞻就何德致此翻懷慙  
金山泊舟憩信宿頭陀  
巖畔窺澄潭放舟焦山符  
勝賞長歌快誦心先酣  
興來走筆步其韻何如喚  
起髯翁談底須樓觀壯  
浮玉但愛松竹籠虛龕  
江山



南遊盛典 卷一  
本色乃在此靜寄飽厭山泉甘從來遠遊志士志  
豈辭多取貪夫貪餘杭此去讀奇作綴辭拙速吾  
猶堪江風五兩送征棹青雲迴望封禪菴

遊焦山作歌

金山似謝安絲管春風醉華屋焦山似羲之偃臥  
東牀坦其腹此難爲弟彼難兄元方季方各騰聲  
若以本色論山水我意在此不在彼微風入江穀  
紋起從臣告我遊應止橋安舟險有名言曉人何  
不當如是叶須臾風息日纔辰焦光望幸意已勤

輕舟減從聊攬勝不教警蹕呼紛紜三詔祠邊撫  
遺蹟瘞鶴碑側尋殘文交枝萬樹蔽白日造極俯  
瞰千青雲江聲澎湃山色氤氳東西亘界南北區  
分一條白水無斷續兩岸青山相吐吞焦山之遊  
不虛云詩成用詔聞未聞

三詔洞

衡泌棲遲風尚清蝸廬焚後一身輕千秋洞口傳  
三詔遁世微嫌未遁名

焦山古鼎歌和沈德潛韻



造物精氣屯於屯周宣石鼓此仲昆二物不共滄  
 桑變似與姬氏留乾坤昔步太學撫十列今來浮  
 玉瞻獨存詎嫌梵唄雁當寂飽諳世態龍宮蹲禹  
 鑄九鼎象百物魑魅魍魎褫神魂周衰楚乃問輕  
 重定邾沉泗紛迹痕何似鐫泐傳世澤明標五字  
 無多言鼎上有錫廷臣世惠五字見德潛詩是時風露正澄霽昨夜  
 丁甲已指捫初如天閭闢虎豹復如地軸巍崑崙  
 坐令百慮靜一旦瞥見法器當空門歎雲吐景耀  
 光采沕沕穆穆胚渾渾底須石鼓合豐劔千秋宜

鎮化人園奸相覆餗何取此誠哉利足使智昏韓  
 蘇大筆彼兼擅德潛長歌此獨論從來詩人志磊  
 落要令一發萬氣吞山頭時見鸞鶴下江面靜閱  
 羲娥奔德潛強韻我步元奚用君門排九閭

甘露寺和蘇軾韻

江曉風始息山芳春未闌江山有佳致助我尋清  
 歡三詔別隱士萬騎擁材官捨舟而遵陸快控青  
 驄鞍左右綠麥畦曲折朱木欄比日多舟居乘馬  
 意為寬南仰峯律摧北俯波渺漫尋筴步初地參



旛標利竿湧出字寫蓮蹲來石貌獬蒲牢傳天監  
年月精鐫鑽其西踞算峯臥龍籌阿瞞其東接象  
嶺鎖鑰壯雄觀六朝此割據訓練列卒團蕭梁更  
佞佛云益功德瀾長廊扶嶮嶮拾級暫遊盤居然  
得所思古殿猶善完猊鼎噴都梁鯨旛剪綺紈莊  
嚴獲福果俗僧多誕謾天人下山節雲中翔且跚  
忽爲驂者龍忽爲翥者鸞如夢幻泡影一語真不  
刊小閣冠峯頂拂拂天風寒長煙一空碧騁目窮  
江千衛公柏何在空傳枝屈蟠更聞葬舍利七粒  
已出棺當時頗樹黨布金徒致歎地下遇董狐應  
悔跡未刳東坡詩中仙五字留吟安豪氣驅雄才  
力敵扶搖搏倚韻成長篇非欲爲其難梅花率已  
發梅子何時酸重來應首夏無何一指彈







